



Scholia In Primarias Preces Imperatoris

Chokier, Jean de
Coloniae Agrippinae, 1674

Sectionis V. § tertius.

[urn:nbn:de:hbz:466:1-62387](https://nbn-resolving.org/urn:nbn:de:hbz:466:1-62387)

an Ordinis
navis nos
vis Preci-
bus gra-
vati pote-
rit:

an Ordinarius novis Precibus gravari poterit? Nequaquam: quia nominatio jam est sortita effectum, Rota dicit, 22. incip. nota quod ubi Ordinarius, in Anig. Fely. in cap. Innovamus col. 2. not. 5. de Treuga, qua de re dicitur alibi latius.

Advertet etiam, quod hæc clausula censetur etiam repetita in omnibus articulis hujus indulti, ut patet ibi, *super pramissis omnibus & singulis &c.*

Sectionis V. s. tertius.

Propterea, quia difficile foret presentes litteras ad singula loca deferri, volumus, ac dicta auctoritate decernimus, quod illarum transumptis manu alicujus notarii publici subscriptis, ac sigillo alicujus personæ in Ecclesiastica dignitate constitutæ munitis, eadem prorsus fides adhibeatur, quæ adhibetur eisdem presentibus si forent exhibitæ vel ostensæ. Nulli ergo omnino hominum liceat hanc paginam nostræ declarationis concessionis, Indulti, derogationis, decreti & voluntatis infringere, vel ei casu temerario contraire: Si quis autem hæc attentare presumpserit, Indignationem Omnipotentis Dei ac Beatorum Petri & Pauli Apostolorum ejus se noverit incursurum. Datum Romæ apud S. Mariam majorem, anno Incarnationis Dominicæ millesimo sexcentesimo vicesimo, pridie Non. Junij, Pontificatus nostri Anno decimo sexto Subscriptum M. Dasarius, Joannes Baptista Bolegnetus.

SCHOLIA IN §. III.

Sectionis V.

NULLI ERGO HOMINUM) Jam tandem assecuti sumus extre-
mam nostræ Indulti partem, in quo licet non nihil sim immoratus, tamen pos-
tteri videbunt (quæ materiæ ubertas est) specilegia me duntaxat collegisse,
tantum abest ut integram illius messem explanando describerem, quo fit ut
mihî non objici possit illud Horatij:

Ampora cepit.

Institut, currente Rota cur urceus exit?

Neque enim brevitati semper inserviendum est (quæ alioqui mihi in exi-
guo ocio negotiosa fuit) alioqui prævaricatio est, inquit Plinius, transire di-
cenda. Prævaricatio est cursim & breviter attingere, quæ sunt inculcanda,
infigenda, repetenda Nam plerisque longiore tractu vis quædam, & pondus
accedit, utque corpori ferrum, sic oratio animo non actu magis quam mora
imprimatur. Quod igitur superest ex Indulto nostro modo jam exequamur.
Disitur hoc loco cum qui sine justa & rationabili causa dispositioni huic S. mi-
Indulti non parverit, quod Indignationem Dei Omnipotentis, ac Beatorum
Petri

Petri & Pauli Apostolorum eius incursum. Nam ut habetur in Canone qui resistit 11. quest. 3. *Qui resistit potestati, ordinationi Dei resistit.* Unde D. Jo. Chrisostomus: *Nemo contemnat Ecclesiasticæ vincula, non enim homo est qui ligat, sed Christus qui hanc potestatem dedit hominibus, eosque & Dominos fecit tantum honoris cap. si nemo 11. quest. 3.* Imò præter indignationem Dei Omnipotentis, & S. sedis, quam incurrit Collator & Collatarius collatio est nulla, cap. si religiosus, de Electio. in 6. text. & ibi glos. de immunit. Eccles. 1. s. & alij in l. non dubium de leg. Rebuff. de Nominat. quest. 19. & collator meretur privari beneficijs Ecclesiasticis, Bald. & Io. Baptista in repet. l. junctos populos, C. de Summa Trin. Fely. in cap. veniens, cap. 1. de præscriptio. Socin. cons. 87. incip. visis investitura, col. 3. vol. 3. Sanson ad Consuet. Turonens. Rub. des amendes, art. 2. nihilominus sequor nonnullorum sententiam, existimantium infractores constitutionis Pontificiæ in qua adest clausula præscripta, subjici pœna arbitraria, ut ex Bellecino tr. de charit. subsid. quest. 44. per tot. Mart. Lauden. tr. de clausulis quest. 18 ostendit frater meus Erasmus à Chokier in suo tract. de Jurisd. ordin. in exempr. part. 4. quest. 62. quibus adde Restaurum de impetrat. quest. 110. & alios, quos citat Menochius de Arb. judic. lib. 2. cent. 4. cons. 165. Quod hæc tenus intellige, dummodo ipso facto infringant, etique non contradicant de jure: Nam certum est eum, qui se constitutioni Papæ opponeret, jure, & non de facto, non comprehendit sub hac clausula, juxta not. DD. in cap. in presentia. 4. not. de Probat. Flam. Paris tract. de benef. lib. 2. quest. 7. num. 169. Hinc dicit Nicol. Garcias tract. de benef. part. 6. cap. 2. num. 71. & seqq. Executionem cessare, cum adest legitimus contradictor, qualis est, qui habet considerabile aliquod interesse, Ill. Card. Seraphinus decis. 144. & decis. 1257. ubi scribitum non esse legitimum contradictorem ad impediendam immissionem qui non habet legitimum titulum, qualis est is qui ex posteriori resignatione vellet impedire immissionem prioris resignatarij: Nam Judices etiam non obstante rescripto Papæ, debent judicare pro eo, cui primo provisum est. Unde si Papa contulerit duobus, & declaret postea quod intendit, & intendebat isti secundo conferre, & non primo, ea declaratione non obstante judicabitur pro primo, Rebuff. ad Reg. XVII. de non tollendo iure quasito, Ill. Card. Seraphinus decis. 859. & Farinacius decis. 529. in una Burgen Abbacia de anno 1613 Mercurij 20. coram R. P. D. Valdo. Atque hic manum de tabula tollo, quæ alioqui his æstivis ferijs satis mihi assidua. Tu fruire bone Lector, & boni consule nova hæc, et si subitaria scripta.

LAUS ÆTERNO DEO, SEMPER QUÆ VIRGINI MARIÆ,
 QUIBUS UT PAR EST, HÆC ACCEPTA
 refero, quæ quoque tum saniori judicio, tum
 Ecclesiæ Catholicæ censuræ lubens
 submitto.

F I N I S,

*Clausula
Indigna-
tionem
Dei Om-
nipotentis
in 6.*

*Contradi-
ctoris
non com-
prehendi-
tur sub
dicitur clau-
sula.*

*Executio
cessat cum
adest legi-
timus con-
tradictor.*

*Secundus
resignata-
rius non
potest im-
pedire im-
missionem
primi.*